



Na osnovu člana 23. Pravila JU "Studentski centar" Sarajevo, Saglasnosti Ministarstva za nauku, visoko obrazovanje i mlade Kantona Sarajevo na tekst Konkursa za prijem studenata u studentske domove (JU "Studentski centar" Sarajevo) u akademskoj 2026/2027. godini na smještaj i ishranu broj: 27/03-34-29583-1/26 od 8. 6. 2026. godine, Upravni odbor JU "Studentski centar" Sarajevo **r a s p i s u j e:**

K O N K U R S

za prijem studenata u studentske domove (JU "Studentski centar" Sarajevo) u akademskoj 2026/2027. godini na smještaj i ishranu

I

JU "Studentski centar" Sarajevo će u akademskoj 2026/2027. godini primiti 1.300 studenata Univerziteta u Sarajevu u studentske domove na smještaj i ishranu.

Pravo na prijem u Studentske domove u Sarajevu imaju svi redovni studenti na univerzitetima čije je mjesto prebivališta izvan Kantona Sarajevo, a imaju osiguranu subvenciju od kantona, općine, Federacije, Distrikta ili drugog nivoa vlasti.

JU "Studentski centar" Sarajevo će u akademskoj 2026/2027. godini omogućiti smještaj i ishranu studentima po principu samofinansiranja, po punoj cijeni smještaja.

Studentski domovi u Sarajevu za svoje korisnike pružaju sljedeće usluge:

Usluge smještaja podrazumijevaju:

- mijenjanje posteljine 2 puta mjesečno;
- korištenje konekcije za internet;
- korištenje učionica, sala, biblioteka studentskih domova i dr.;

- korištenje usluga kantina/menži (studentskih klubova);
- korištenje sportskih terena i rekvizita;
- korištenje teretane;
- korištenje vešeraja;
- korištenje prostora za druge društvene aktivnosti.

Usluge ishrane podrazumijevaju 50 obroka u toku mjeseca s mogućnošću korištenja doručka, ručka i večere po izboru od ponedjeljka do subote. Kalorična vrijednost i zdravstvena ispravnost hrane je pod stalnim nadzorom stručnih institucija i u skladu s normativima primjerenim životnom dobu korisnika. Priprema hrane vrši se u skladu s HACCP standardima i važećim higijensko-zdravstvenim propisima.

II

Učesnici Konkursa trebaju dostaviti:

A) OBAVEZNI DOKUMENTI

Kompletnu dokumentaciju obavezno dostavlja svaki aplikant, i to:

1. Prijavu za prijem u Studentski dom (prijave se popunjavaju online na web stranici Studentskog centra Sarajevo, a dokumenti se dostavljaju lično ili putem pošte na adresu Studentskih domova Sarajevo);

Napomena: Prilikom popunjavanja online prijave potrebno je pažljivo unijeti tačne podatke, uključujući pravilnu upotrebu slova (č, ć, đ, ž, š i dž), te priložiti fotografiju s jednobojnom pozadinom i jasno vidljivim licem sprijeda, u formatu fotografije za ličnu kartu.

2. Uvjerenje od visokoškolske ustanove da je redovan student u akademskoj 2025/26. godini s prepisom ocjena o svim položenim ispitima (original).

a. Studenti master studija dužni su dostaviti prepis ocjena master studija na unificiranom obrascu uvjerenja ili obrascu fakulteta ukoliko sadrži sve elemente ovog uvjerenja (original);

***Napomena: Kopije indeksa se ne primaju.**

b. Novoupisani studenti (brucoši) podnose ovjerenu kopiju svjedočanstva završnog razreda srednje škole.

3. Kopiju lične karte i originalnu CIPS-ovu prijavu ne stariju od tri mjeseca.

a. Studenti strani državljani dostavljaju ovjerenu kopiju pasoša ili lične karte.

4. Ovjereno rješenje o administrativnoj zabrani dužnika na zabranu dijela plaće jemca za eventualno neizmirene obaveze studenta, proistekle iz osnova korištenja usluga studentskog doma, koju popunjava član uže obitelji koji se nalazi na kućnoj listi studenta aplikanta sa stalnim zaposlenjem ili drugo fizičko lice sa stalnim zaposlenjem kod pravnog lica (preuzima se na stranici Studentskog centra ili lično).

Napomena:

Rješenje o administrativnoj zabrani aktivirat će se u slučaju neizmirenja obaveza.

5. Dokaz o uplati **10,00 KM** za troškove konkursne procedure. Uplatu izvršiti na transakcijski račun broj: 1610000004420010 (Raiffeisen Bank dd) u korist JU "Studentski centar" Sarajevo, svrha: troškovi obrade podataka.

Studenti koji pripadaju kategorijama "djeca šehida i poginulih boraca", te su bez jednog ili oba roditelja, oslobađaju se plaćanja troškova obrade podataka (dokaz o navedenom dostaviti uz ostalu obaveznu dokumentaciju).

Obrasci iz Konkursa navedeni u tačkama A) 1. i 4. mogu se naći u upravama i recepcijama studentskih domova ili na web stranici: www.studentskicentar.com.

Nepotpuna obavezna dokumentacija neće se primati i uzeti u razmatranje.

B) DODATNI DOKUMENTI

Dokumenti koji nisu obavezni a dostavljaju se za ostvarivanje dodatnih bodova:

1. Uvjerenje o ukupnim primanjima članova domaćinstva (roditelji odnosno staratelji) po osnovu:
 - plaće (ovjerena od pravnog lica kod koga je član domaćinstva zaposlen);
 - penzije (posljednji ček od penzije, original ili ovjerena fotokopija);
 - druga primanja (ovjereno od centra za socijalni rad ili drugog odgovarajućeg organa);
2. Potvrdu / uvjerenje / diplomu o osvojenim nagradama na takmičenjima na kantonalnom, entitetskom, državnom i međunarodnom nivou;
3. Potvrdu o stepenu invalidnosti izdatu od nadležne komisije (lične, roditelja ili staratelja);
4. Potvrdu o poginulim, nestalim i umrlim članovima uže porodice (roditelj/i, brat, sestra) izdatu od nadležne institucije.

Naprijed navedeni dokumenti (original ili ovjerena fotokopija) moraju biti izdati od nadležnih institucija i ne smiju biti stariji od šest mjeseci.

III

Pravo učesća na Konkurs nemaju:

- Studenti stanari studentskih domova ove i prethodnih godina protiv kojih je izrečena teža disciplinska mjera,
- Studenti stanari studentskih domova ove i prethodnih godina koji nisu izvršili svoje finansijske ili ugovorene obaveze prema JU "Studentski centar" Sarajevo ili druge finansijske obaveze vezano za JU "Studentski centar" Sarajevo.

IV

Rangiranje kandidata obaviti će Konkursna komisija na osnovu utvrđenih kriterija i zbrajanja ukupnog broja bodova dobijenih iz dostavljenih dokumenata koja se traže ovim Konkursom. Rang liste bit će objavljene na oglasnim pločama studentskih domova i web stranici: www.studentskicentar.com, a sve u skladu s planom i dinamikom realizacije Konkursa.

V

JU "Studentski centar" Sarajevo će posebnom odlukom, a nakon prispjeća i obrade svih aplikacija, odrediti kriterije raspodjele smještajnih kapaciteta, kategorizaciju, način, uslove i dinamiku useljavanja, te način i visinu izmirivanja troškova cijene usluga u studentskim domovima.

VI

Medusobni odnosi između JU "Studentski centar" Sarajevo kao davaoca usluga i studenta kao korisnika usluga uredit će se posebnim ugovorom kojim će se jasno utvrditi prava i obaveze ugovornih strana za period naznačen u prethodnom stavu ovog člana.

VII

Studenti koji budu primljeni u studentske domove prilikom zaduživanja u Studentski dom dužni su dostaviti:

- Ljekarsko uvjerenje izdato od Zavoda za zdravstvenu zaštitu studenata Univerziteta u Sarajevu;
- Potvrdu o upisu na fakultet – novoupisani studenti – brucoši.

Studenti starijih godina, koji su primljeni po Konkursu u dom, obavezni su dostaviti **potvrdu o upisu na fakultet za akademsku 2026/2027. godinu najkasnije do 3. 11. 2026.** godine radi reguliranja naprijed ostvarenog prava na smještaj u dom, jer u protivnom gube ovo pravo. Studenti koji usele u dom a nisu ispunili gore navedene uslove za subvenciju (ne ostvare uslov za upis naredne godine, obnove, izgube pravo na subvenciju u međuvremenu iz nekih drugih razloga) dužni su nadoknaditi razliku u participaciji cijene za period boravka u domu.

VIII

Svi učesnici u subvencioniranju smještaja i ishrane studenata, odnosno vlade kantona u Federaciji Bosne i Hercegovine putem nadležnih ministarstava, Federalno ministarstvo obrazovanja i nauke, kao i Vlada Brčko distrikta Bosne i Hercegovine, imaju pravo pratiti realizaciju i provođenje ovog Konkursa u skladu s utvrđenim rokovima i usvojenim jedinstvenim kriterijima, usaglašenim s JU “Studentski centar” Sarajevo kao pružaocem usluga smještaja i ishrane studenata. O svim relevantnim aktivnostima i fazama provođenja Konkursa isti će biti blagovremeno informirani.

NAPOMENA za studente HNK

Budući da je broj subvencioniranih mjesta za studente s područja HNK ograničen raspoloživim sredstvima, korisnici koji dolaze iz HNK dužni su dostaviti potvrdu Vlade Kantona da su za njih osigurana sredstva za subvenciju. U suprotnom, studenti iz HNK mogu koristiti usluge JU “Studentski centar” Sarajevo s plaćenom stanarinom po principu samofinansiranja.

IX

Konkurs je otvoren 30 dana od dana objavljivanja oglasa u sredstvima informiranja. Prijave na Konkurs mogu se dostaviti lično ili putem pošte na adresu:

JU “STUDENTSKI CENTAR” SARAJEVO

Studentski dom Nedžarići, Ulica Aleja Bosne srebrene bb, 71000 Sarajevo

Tel: 00387-33/ 778-582, 778-580, Fax: 778-590

ili

Studentsko naselje Bjelave, Ulica Bardakčije broj 1, 71000 Sarajevo

Tel: 00387-33/568-640, 568-641

www.studentskicentar.com

e-mail:

direkcija@studentskicentar.ba

justudsarajevo@yahoo.com

bjelave@studentskicentar.ba

Napomena:

Lični podaci kandidata prikupljeni u postupku prijave na Konkurs obrađivat će se i koristiti isključivo u svrhu provođenja konkursne procedure za prijem studenata u studentske domove JU “Studentski centar” Sarajevo, u skladu sa Zakonom o zaštiti ličnih podataka Bosne i Hercegovine (“Službeni glasnik Bosne i Hercegovine”, br. 12/2025).